


Ibuku rĩa Ngai kũrĩ ciana
nĩrĩrakũrehera

Ezekieli: Mũndũ wa Cioneki



Rwandĩkĩtwo nĩ: Edward Hughes

Rũthathaũrĩtwo nĩ: Lazarus
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org

©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.




Tene mũno, mbũtũ cĩarĩ na hinya nĩciagũmĩire Juda,
igĩtaha andũ aingĩ ikĩmatwara Babuloni marĩ mĩgwate.

Kũu kũraya na mũciĩ, Ayahudi aya maikaraga
hakuhi na rũũĩ rwa Chebari. Ũmwe waao
aarĩ ndungata ya Ngai
mũnabii Ezekieli.



Mũthenya ũmwe, Ngai akĩhe Ezekieli
kĩoneki. Riiri wa Ngai ũkĩoneka ta ũtheri
mũnene, ũhaana ta nyamũ inya cĩarĩ muoyo
ciarĩrĩmbũkaga mwaki. O nyamũ yaarĩ na
moothiũ mana na mathagu mana. Igũrũ wa
cio haarĩ na gĩtĩ gĩa ũthamaki gĩthaka kĩa
yakuti, haiyũrĩite ũtheri ũhaana mũkũnga
mbura. Rĩrĩa Ezekieli
oonire ũguo
akĩgũa na
ũthiũ.



Ngai akĩarĩria Ezekieli. "Ndĩragũtũma kũrĩ ciana
cia Isiraeli. Aria ciugo ciakwa nao, tondu nĩ aremi."
Guoko gũkĩumĩra kũnyitĩite gĩkũũnjo.
Ngai akiuga, "Rĩa gĩkũũnjo gĩĩkĩ,
na ũthĩĩ waarie na nyũmba ya
Isiraeli." Ũyũ waarĩ wathani
wa mũthemba ũrĩkũ!
No Ezekieli agĩathĩka,




akĩrĩa
gĩkũũnjo
na agĩthĩĩ.



Roho wa Ngai ũgĩkuua Ezeieli na ũkĩmũtwara kũrĩ
Ayahudi arĩa maarĩ ithamĩrio maikarĩite handũ hangĩ
hakuhĩ na rũũĩ rwa
Chebari. Harĩ ihinda
rĩa thikũ mũgwanja
agĩikara harĩa maarĩ,
amakĩitio nĩ kĩrĩa
oonire. Ngai agĩcooka
agĩtua Ezeieli
mũrangĩri.

Akaanie andũ
aya aaganu
matikaremere
Ngai.






Ezekieli agĩĩka maũndũ maingĩ ma magegania nĩguo andũ manyĩite kiugo kĩa Ngai. Akĩhara mbica ya Jerusalemu yaarĩ ihigainĩ rĩa rĩũmba. Nogũkorwo andũ maroragĩra ciandainĩ ciake agĩcora mbũtũ nene ãthĩũrũrũkĩirie Jerusalemu. Onanagia atĩ itũũra rĩĩrĩ itherũ rĩa Ngai nĩrĩkũniinwo.



Isiraeli, ũthamaki wa rŭgongo, ũgĩkararia Ngai mĩaka 390, na Juda, ũthamaki wa mũhuro, mĩaka 40. Nĩkĩo Isiraeli yaninirwo nayo Juda ĩcooke ĩgũe. Ngai akĩĩra Ezekieli akome na mwena wake wa ũmotho thikũ 390, acoke akome na mwena wa ũrĩo thikũ 40. Kũririkania andũ mĩaka yao ya meehia.





Nogũkorwo andũ nĩmambĩrĩirie gwĩciiria atĩ Ezeieli aarĩ mũndũ wa mwanya. Eekaga ũrĩa wothe Ngai amwĩraga. Mũthenya ũmwe, akĩenja njuĩrĩ yake na agĩcina ãyo ingĩ. Nĩkuonania atĩ mũndũ ũmwe harĩ atatũ kũu Jerusalemu nĩagũkua nĩũndũ wa mũrimũ na ng'aragu mbũtũ ya Babuloni yatharĩkĩra itũũra.



Ezekieli akĩoya gĩcunjĩ kĩa ĩmwe harĩ ithatũ kĩa njuĩrĩ yake na agĩtinangia na rūhiũ. Nĩkuonania atĩ mũndũ ũmwe harĩ atatũ nĩakooragwo na rūhiũ rwa thũ.

Gĩcunjĩ kĩngĩ kĩa ũmwe harĩ atatũ kĩhuruunjwo nĩ rūhuho. No agĩtumĩrĩra njuĩrĩ imwe nguoinĩ yake kuonania atĩ Ngai nĩakahonokia andũ amwe na


amacokie na







thaayũ
bũrũriinĩ wa
kĩĩranĩro.




Mūnabii ũyũ waarĩ na ũcamba akĩira
Ayahudi arĩa mathamĩitio atĩ
maũndũ nĩmagũthũũka makĩria,
matikũagĩra ũrĩa meeciragia.
Andũ makĩrakario nĩ Ezekieli,
no agĩthĩ na mbere kwaria
kiugo kĩa Ngai. Mũthenya
ũmwe aikarĩite hamwe
na athuri a Isiraeli,
Ngai akĩhe Ezekieli
kĩoneki. Thĩinĩ wa
kĩoneki kĩu Ngai
akĩmuoya
na njuĩrĩ na akĩmũtwara
thĩinĩ wa hekaarũ Jerusalemu.




Thĩĩnĩ wa hekaarũ Ngai akĩonia Ezekieli indo
ciatambaga, nyamũ irĩ thaahu, na mĩhianano. Indo
ici itiaĩĩrĩrwo gũkorwo hekaarũinĩ ya Ngai.



Atongoria mahooyaga indo ici handũ ha Ngai. Ngai akĩonia Ezekieli atĩ riiri wake nĩwaũmĩite hekaarũinĩ na nĩ ãngĩaninirwo. Rĩrĩa kĩoneki gĩathirire Ezekieli akĩĩra Ayahudi ũhoro ũcio.






Maũndũ marĩa mothe Ngai augĩite magĩĩkĩka.
Jerusalemu ĩkĩanangwo. Andũ aingĩ
makĩniinwo. Rĩrĩa Ayahudi arĩa maarĩ ithamĩrio
Babuloni maigwire makĩrigwo kana Ngai
nĩatiganĩerie andũ aake tene na tene.




No Ngai agĩcooka akĩhe ndungata
yake ndũmĩrĩri ingĩ. Agĩtwara
Ezekieli gĩtuambainĩ kĩa mahĩndĩ
moomũ- mahĩndĩ ma andũ.




Ngai akĩũria Ezeieli "Mũũrũ wa mũndũ, mahĩndĩ
maya no matũũre?" Ezeieli agĩcookia "Mwathani
we nĩũĩ." Ũndũ wa ma nĩ atĩ mahĩndĩ macio
matingĩahotire gũtũũra muoyo rĩngĩ.




Mwathani akiuga, "Rathĩra mahĩndĩ maya na uuge
'inyuĩ mahĩndĩ moomũ, igua kiugo kĩa Mwathani!
Nĩũgũtũũra muoyo.'" Rĩrĩa aathĩkire, Ezekieli akĩigua
mũgambo. Ũreeciria nĩkĩ kĩaũreehaga?




Rĩrĩa mũnabii arorire na kĩmako, mũĩrĩ
ĩgĩũka hamwe ihĩndĩ kwa ihĩndĩ.




Thuuthainĩ nyama igĩũka hamwe.




Nayo ngothi ãgĩcihumbĩra, no ãtiarĩ na mĩhũũmũ.




Mwathani akiuga, "Ratha, mũũru wa mũndũ na uuge 'Uma mũena ña ya rũhuho we mũhũũmũ ño. Ingĩra aya nĩguo matũũre.'" Rĩrĩa Ezekieli eekire ũguo, mũhũũmũ ñgĩũka. Magĩtũũra, na makĩrũgama na magũrũ maa. Gũkĩgĩa na mbũtũ nene gĩtuambainĩ.



Ngai nĩamenyaga atĩ Ayahudi arĩa maarĩ Babuloni
nĩmaagĩte mwĩhoko rĩrĩa Jerusalemu yagũire. Agĩtũma
ndũmĩrĩri kũgerera kĩoneki kĩa Ezekieli. Ngai akiuga,
"Mahĩndĩ maya nĩ nyũmba yothe ya Isiraeli. Ngũikĩra
Roho wakwa thĩinĩ wanyu, na ndĩmũtware bũrũriinĩ
wanyu."



Ĩno yaarĩ ndũmĩrĩri njega ya mwĩhoko kuuma kũrĩ Ngai!
Cĩiranĩro cia Ngai kũgerera Ezekieli ikĩhinga rĩrĩa
Ayahudi macookire bũrũriinĩ wao. Nĩmamenyaga atĩ
nĩ Mwathani Ngai wamacokirie mũciĩ.



Kiugo kĩa Ngai
nĩkĩhingaga
hĩndĩ ciothe.



Ezekieli: Mũndũ wa Cioneki

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Ezekieli

"Ciugo Ciaku ciatarĩrio nĩrehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuĩnĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũcĩĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

